

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

VI. Testimonium Irenæi.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

CAPVT QVINTVM.

Testimonium Py I. Pape.

A M verò PIVS Papa I. qui eodem tempore sedet in Pontificatu, quo Iustinus florebat, statuit pœnam satis grauem in eos, quorum negligentia aliquid Dominici sanguinis in terrā, vel etiam super ipsum altare decideret: iussitque locum lambi, radi, &c. ut patet ex Gratiano de consecrat. distinct. 2. can. Si per negligentiam. & ex lib. 1. decreti Iuonis, & lib. 5. Burckhardi. Quāvis autem non habeamus nunc epistolam ipsam Pontificis, tamen satis probabile reddit hoc testimonium, tum auctoritas Iuonis, Burckhardi, & Gratiani; tum etiam, quod legamus in Tertulliano, Origene, Cyrillo, & aliis, qui proximi fuerunt iis temporibus, summam diligentiam adhiberis solitam in Ecclesia, ne quid Sacramenti huius vlo modo in terram decideret. Testimonia Tertulliani, Origenis, & Cyrilli, infra suo loco ponentur.

Porrò ista cautio argumentum est euidentis fidei antiquorum. Si enim panis Eucharistiae non esset corpus Christi, nisi representatiue, non esset adhibenda maior diligentia, ne caderet in terram, quam ea sit, quam adhibemus, ne sacra biblia in terram cadant, aut imago aliqua Christi, aut aqua Baptismi, aut quam adhibebant Hebrei in conseruando Manna, aut Agno Paschali. Quis autem audiuimus inquam debere lambi, aut radi terram, vbi cecidisset codex Euangelij, aut imago, aut Manna, aut aqua Baptismi? Ad hoc testimonium, non legi aduersariorum responsum.

CAPVT SEXTVM.

Testimonium Irenei.

E QVITVR IRENÆVS, qui eodem seculo floruit, quo Iustinus, licet paulo posterius. Is igitur in libro 4. contra hæreses, cap. 34. disputans contra hæreticos, qui negabant Christum esse Filium Creatoris, & Creatorem mundi huius, ita loquitur: *Quomodo autem constabit eis, eum panem in quo gratae acte sint, corpus esse Domini sui, & calicem sanguinis eius, si non ipsum fabricatoris mundi Filium dicant, id est, Verbum eius, per quod*

quod lignum fructificat, defluunt fontes, dat primum quidem fænum, post deinde spicam, deinde plenum triticum in spicam. Ex hoc loco nos tale argumentum facimus. Irenæus probat Christum esse Creatorem, ex eo, quod panis per consecrationem fit corpus Christi: igitur credebat re ipsa, & non sola significacione mutari panem in corpus Christi; nam mutatione realis requirit planè omnipotentiam Creatoris, non autem impositio nouæ significationis.

Respondet ad hoc argumentum Petrus Martyr, lib. contra Gardinerum, obiecto 62. & 157. Irenæum non probare Christum esse Filium Creatoris, vel Creatorem ex transmutatione panis in corpus suum, sed ex eo, quod virtutur pane ad corpus suum significandum, & quia Patri gratias agit, cum pater illius virtutur: non enim decebat, ut Filius illius Dei, qui est contrarius Creatori, vteretur rebus aduersarij sui, & de illis Patri suo gratias ageret.

A T CONTRÀ; nam **I N P R I M I S** argumentum ex yisu rerum Creatoris fecerat Irenæus in proximis verbis superioribus dixerat enim solam Ecclesiam rectè offerre Deo oblationem cum gratiarum actione ex creatura eius, hereticos autem offerre non posse, cum non agnoscant eum esse Creatorem. Quid ergo opus erat, ut rursus idem argumentum repeteret? **A D D E**, quod illa verba: Quomodo autem constabit ei, &c. indicant nouum argumentum inchoari; alioqui dixit: Quomodo enim, si hæc ratio ad argumentum precedens pertineret. **D E I N D E**, Irenæus hoc loco ex Eucharistia probat Christum non solum esse Filium Creatoris, sed etiam ipsum Creatorem, cum ait, non posse constare panem Eucharistia esse corpus Domini sui, nisi fateantur ipsum esse Verbum. Iudicat per quod lignum fructificat, defluunt fontes, &c. At hoc argumentum nihil concludit, nisi ponamus veram, & realern mutationem in pane fieri. Posset enim Christus vesti pane ad corpus suum significandum, etiamsi non esset Creator illius panis; quemadmodum nos viuimus hedera, quam non circuimus, ad vinum designandum. Immò nec probat hoc argumentum Christum esse Filium Creatoris: potest enim vires omnibus Creatoris etiam is, qui nō est Filius Creatoris. Siquidem probat, id solum est, Christum non esse aduersariū Creatoris, nec enim vteretur rebus aduersarij sui. At Irenæus Filium

lium Creatoris, & Creatorem affirmat esse Christum ex hac mutatione panis in corpus suum.

S E C V N D V M testimonium est in eodem capite in illis verbis: *Quomodo autem rursus dicunt, carnem in corruptionem denicare, & non percipere vitam, qua à corpore Domini, & sanguine alitur? Et paulò infra: Quemadmodum enim qui est à terra panis percipiens vocationem Dei, iam non communis panis est, sed Eucharistia ex duabus rebus constans, terrena, & cœlesti: sic & corpora nostra percipientia Eucharistiam, iam non sunt corruptibilia, sicutem resurrectionis habentia.*

Ex his verbis tria argumenta colligimus. **P R I M U M** est: Corpora nostra incorruptibilia fiunt, quia aluntur corpore Christi: ergo corpus Christi non solum animis percipitur, sed etiam corpore ex Irenæi sententia. At corpus non potest in cœlum descendere, vt ibi gustet Christi carnem; ergo verè præsens est in Eucharistia ipsa Christi caro. **S E C V N D V M** est: Panis terrenus post inuocationem Dei, seu mysticas preces, non est amplius communis panis, sed est cibus constans duabus rebus, una terrena, altera cœlesti. Non potest autem res illa cœlestis esse, nisi corpus Christi; igitur verè est in Eucharistia corpus Christi. **T E R T I U M:** Ita panis mutatur ex terreno in cœlestem per inuocationem Dei, sicut corpora nostra mutabuntur per Eucharistiam ex mortalibus in immortalia. Sed corpora nostra re ipsa fient immortalia, non autem sola significatione: igitur panis terrenus re ipsa fit corpus Christi, non sola significatione.

Ad omnia respondere conatur hæretici. Ad **P R I M U M** Beza respondet in Cyclope, per Eucharistiam corpora fieri immortalia, quia per eam fide coniungimur ipissimo corpori Christi, ex quo tamen animus, quam corpus vivificatur. Paulò planius id explicat Petrus Martyr, libro contra Gardinerum, obiecto 151. vbi dicit, per Eucharistiam corpora nostra fieri immortalia, quia per eam fide apprehendimus Christum; ex ea fide renouatur anima; ea renouatio redundat in corpus, il ludque facit paulatim aptum instrumentum Dei, & vitæ æternæ capax.

At contrà. NAM Irenæus (vt aduersarij fatentur) contendit probare hæreticis sui temporis veram carnis nostræ resurrectionem aliquando futuram; idque probat, quia ipsa caro nostra per Eucharistiam coniungitur immortali, & vivificatri

catrici Christi carni. At si esset vera aduersariorum sententia Irenæi argumentum vel nihil concluderet, vel certè esset peruanum. Nam qui negant resurrectionem carnis, non admittunt illam redundantiam gratiæ ex anima in corpora in qua ponit Petrus Martyr totam vim argumenti Irenæi que admittent, quod dicit Beza, Christi corpus animo apprehensum, animam & corpus viuiscare; immò dicent inde loqui, corpus non viuiscari, sed solam animam, cùm illa sola Christum apprehendat. **D E I N D E**, quid erat opus vrgere caput Eucharistiam ad probandā resurrectionem, quod natus facit, tum hoc loco, tum lib. 5. & alibi? Nam satis erat cere, Christum per fidem apprehensum viuiscatur anima & corpora nostra: impertinens autem est; unde excitetur illud fides, utrum sumptione Eucharistie, aut Baptismi, aut solo Dei verbo, aut aliquo miraculo, ista enim omnia nihil sunt pud aduersarios, nisi instrumenta excitandæ fidei.

Ad **S E C V N D U M** respondet Martyr, lib. contra Gardinerum, obiecto 152. & 153. Eucharistiam vocari panem non communem, quia est Sacramentum quoddam, proinde panem sacrum non vulgarem dici debere. Constat autem, ait, res terrena, & cœlesti, id est, symbolo, & re significata; licet res significata procul absit, sine pane, & sanctificatione. Estenim panis res terrena, sanctificatio autem, qua panis Sacramentum efficitur, res est cœlestis.

Vtraque absurdia est explicatio: ac **P R I M U M** rem terrena esse symbola, rem cœlestem esse rem significatam, sed abscontem, nullo modo fieri potest. Nam nihil constare dicitur eo, quod in ipso non est: Eucharistiam autem constare dicitur natus ex duabus rebus, terrena una, altera cœlesti; vult ergo utramque rem esse in ipsa Eucharistia.

Respondet Martyr, omnino constare posse aliquid ex quod in ipso non est: Nam sermo noster, inquit, constates **vocem** & **re significata**; & tamen res significata sepe longissime ab **voce**. Praterea Paulus dicit, *Sacramenta Veteris Testamētū constitisse ex symbolis, & corpore Christi: manducabant enim eandem escam nobiscum.* 1. Corinth. 10. At corpus Christi procul aberat, & ne natum quidem esset.

Hic vero prodit suam imperitiam Petrus Martyr. Quis enim unquam dixit, sermonem constare ex voce, & re significata? nonne relatiuè opponuntur signum, & res significata? quo-

quomodo igitur potest aliquid ex oppositis constare? se felicit eum fortasse, quod dici solet, sermonem constare ex voce, & significacione. Sed significatio in ipsa voce est, ut relatio in suo subiecto; ac proinde non potest ex ea probare Petrus Martyr aliquid constare ex eo, quod in ipso non est. Quod verò addit de Sacramentis veteribus ex Paulo, impudens mendacium est. Nusquam enim Paulus dixit, Sacraenta vetera constituisse ex symbolis, & corpore Christi: nec dixit Patres veteris Testamenti manducasse eandem escam nobiscum, ut supra sèpius demonstrauimus.

Iam verò illa A L T E R A expositio, qua per rem cœlestem intelligunt consecrationem, siue sanctificationem, æquè facile refelli potest. Nam nullam ipsi agnoscunt veram consecrationem panis; quam enim nos adhibemus, incantationem vocant; sed solùm illis consecratio est, panem deputari à Deo ad Sacramentum, id est, ut repræsentet corpus Christi: quæ consecratio nihil reale ponit in pane, sed merum respectum rationis. Porro Irenæus de rebus loquitur, non de entibus rationis, cùm dicit Eucharistiam constare duabus rebus, una terrena, altera cœlesti. Et confirmatur argumentum ex ipso aduersariorum testimonio. Nam cùm queritur, quid sit res terrena, & nos dicimus esse accidentia panis sensibilia, illi clament, rem terrenam debere esse substantiæ, non sola accidentia. Si ergo res terrena, ut verè dici possit res, debet esse substantia; res cœlestis, ut res verè dici possit, nonne debet esse etiam substantia? quomodo igitur exponunt per rem cœlestem, cōsecrationem, quæ in re nihil est? P R A E T E R E A nemo ita loquitur de aliis Sacramentis, ut dicat aquam Baptismi constare duabus rebus, una terrena, altera cœlesti; & tamen aqua Baptismi, symbolum est Sacramenti, ut panis Eucharistiae. D E N I Q U E consecratio non habet eam vim, quam trahuit Irenæus rei cœlesti in Eucharistia: ipse enim vult Eucharistiam, quia re cœlesti cōstat, facere corpora nostra immortalia ex mortalibus. At non habet sola consecratio istam virtutem, & præsertim secundum aduersarios, qui nullam vim tribuunt Sacramentis, nisi ad fidem excitandam repræsentando. Vera igitur expositio est, rem terrenam esse id, quod sensu percipitur in Eucharistia (illud enim eti reuera substantia non sit; tamen vera res, & verè terrena est, alioqui sensibus corporalibus apprehendi non posset) rem cœlestem esse id,

Kk 2 quod

quod creditur, nimirum Christi corpus gloriosum, & mortale.

Ad TERTIVM nostrum argumentum respondet Petrus Martyr, lib. contra Gardinerum, obiecto 152. ex verbis Irenaei colligi contrarium eius, quod nos volumus. Ille enim dicit sic mutari panem per consecrationem, & ex communione sacram, & cœlestem, quomodo per ipsam Eucharistiam corpora nostra fiunt immortalia ex mortalibus. At nostra corpora non mutantur substantialiter, sed accidentaliter tantum; ergo & panis ille non mutatur nisi accidentaliter; quod nimirum sit Sacramentum religionis, cum antea cibus cœtantum vulgaris.

Respondeo dupl. PRIMO, quæ adferuntur ut similiter debere esse similia in re, de qua disputatur, non autem in omnibus. Volebat autem Irenæus ostendere, corpora nostra resurgere, & fieri ex mortalibus immortalia: id ostendit in similitudine; Sicut panis communis, & proinde corruptibilis per consecrationem fit panis cœlestis, & incorruptibilis, ita corpora nostra corruptibilia per Eucharistię per mutationem fiunt incorruptibilia. In qua similitudine id regitur, & sufficit, ut sicut corpora nostra verè mutantur, & sunt incorruptibilia ex corruptilibus; ita panis ille communis verè mutetur, & fiat incorruptibilis: vtrum autem id fiat per mutationem substantiæ, aut accidentium, impertinens est ut patet.

SECUNDO tamen respondeo cum Ioan. à Louanio in libro de Eucharist. Irenæum loqui de mutatione substantiali, tam panis, quam etiam corporum nostrorum. Nam loquitur de mutatione, quæ fiet in resurrectione, quando pulueres, sanguenes corporum nostrorum mutabuntur in corpora humana glorioſa, & immortalia: id enim apertissimè Irenæus demonstrat lib. 5. cap. 2. Ibi enim cum dixisset non posse fieri, quod caro nostra resurgat immortalis, cum nutriatur corpore, & sanguine Christi, rebus nimirum immortalibus; ita subiungit. Et quemadmodū lignum vitis depositū in terra suo fructuā tempore, & granum tritici decidens in terram, & dissoluum multiplex surgit per Spiritum Dei, qui cōtinet omnia, quae inde per sapientiam in eum hominibus cōveniunt, et percipiuntur. Verbum Dei sunt Eucharistia, quod est corpus, & sanguis Christi: sic & nostra corpora ex ea nutrita, & reposita in terra.

ram, & resoluta in ea, resurgent in suo tempore Verbo Dei resurrectionem eis donante, in gloriam Dei Patris. Vbi pulchre Irenaeus comparat corpora nostra cum grano tritici, quod in terra dissoluitur, & corruptitur; virtutē autem Eucharistiae cum spiritu illo, seu genitali virtute, quæ corruptum granum resurgere facit. Nam quemadmodum granum frumenti, eram si mutatum fuerit in putredinem; tamē propter illam vim genitalem, quam habet, resurgit in spicā; ita corpora nostra, quamuis in puluerem resoluantur; tamen propter virtutem receptam à cōmunicatione carnis, & sanguinis Domini, resurgunt gloria, & immortalia. Et hoc est etiam, quod Irenaeus significat, cū ait, corpora nostra consistere, & augeri ex corpore, & sanguine Christi; quia nimirum Eucharistia facit, ut corpora non solum non pereant, sed etiam ut resurgent aucta pluribus donis, quād antea haberent: sicut etiam granum non resurgit simpliciter in granum, sed in spicam, id est, multiplicatum, & auctum.

Vnum argumentum ex Irenaeo pro se adducit Petrus Martyr libro contra Gardin. obiecto 154. 156. 157. Nam Irenaeus scribit, ipsum panem esse corpus Christi, quod non potest esse verum, nisi tropicè accipiendo corpus Christi, lib. 4. cap. 32. *Eum*, inquit Irenaeus, qui est ex creatura panem accepit, & gratias egit, dicens, *Hoc est corpus meum: & calicem similiter, qui est ex ea creatura, quæ est secundum nos, suum sanguinem confessus est.* Et libro eodem cap. 34. *Quomodo constabit eum panem, in quo gratia acta sunt, esse corpus Domini? &c.* Et libro eodem capite 57. *Accipiens panem, suum corpus confitebatur.*

RESPONDEO, Irenaeus non significat, panem simpliciter esse corpus Christi, sed panem, in quo gratiae actæ sunt, id est, panem sanctificatum, & factum Eucharistiam, ut IUSTINVS loquebatur, *τροφὴν χαεισθῆσαμ*. Credibile enim omnino est, Irenaeum eadem voce Græca vsum, quam interpres non potuit reddere vnicula voce, sed per circumloquutionem expressit. Porro, panis factus Eucharistia, verè, & propriè est corpus Christi. Similis loquutio esset, si quis diceret; Verga Moysis versa in draconem ambulabat, & comedebat: & aqua à Christo in vinum conuersa, colore, & saporem vini habebat.

Profert etiā aliud argumentum Petrus Martyr ex eo, quod Irenaeus dicit, corpore Christi ali, & augeri corpora nostra. Sed hoc iam est solutum.

CAPVT SEPTIMVM.
TERTIA ætas Ecclesiæ ab anno Domini
CC. ad CCC.

Testimonium Tertulliani.

TERTIA ætate habemus tres testes, Tertullianum, Origenem, Cyprianum. TERTULLIANVS ad initium anni CC. floruit, & quamvis hereticus fuerit Montanista in extrema ætate tamen a nullo veterum Patrum reprehenditur hoc nomine, quod errauerit circa Sacramentum Dominici corporis. In que potest ad testimonium dicendum, tanquam auctorans quisissimus, & doctus, admitti, ut etiam cum admittunt hanc huius temporis.

Is igitur in lib. 2. ad vxorē, cùm hortaretur foeminas Christianas, ut non nuberent Gentilibus maritis, præter alia argumenta, quibus id persuadere nititur, vnum sumit ab Eucharistiæ communicatione. Nam aut oportebit clam maritos mere Eucharistiam, & hoc vix fieri poterit, aut illo sciente, tum exponetur Sacramentum contemptui: *Non sciet, inquit, maritus quid secreto ante omnem cibum gustes;* *Etsi sciret panem, non illum credit esse qui dicitur.* Hæc ille. Vbi Tertullianus satis aperte indicat Eucharistiam non esse panem materialem, licet id videatur esse Gentilibus, sed esse Christianum.

Respondet Petrus Martyr in libro contra Gardinerum obiecto 160. velle Tertullianum dicere, Gentiles non scire Eucharistiam esse Sacramentum, sed prophanum panem modico credere.

Aī repugnat ratio Grammaticæ. Nam Tertullianus sic aīt: *Etsi scinerit, panem, non illum credit esse, qui dicitur:* non aītem aīt, Non illud credit esse, quod dicitur: certè Sacramentum est generis neutri, non masculini. Denique nulla difficultas erat, vel foeminae Christianæ significandi panem illum esse sacrum, quod repræsentaret Christum; vel viro Gentili creden-